



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De hoc quod scribitur, Deum nemo vidit vnquam, & qualiter illud
intelligendum sit. xc.

urn:nbn:de:hbz:466:1-10722

D. BURCHARDI EPIS. VVORMAC.

De apostatis spiritus quòd incorporei credendi sint.

Caput LXXXVIII.

*Ex dialo
go Greg.* **D**ic quæso te, apostatas spiritus à cœlesti gloria deiectos, corporeos an incorporeos esse suspicaris? Petr^o. Quis sanè sapiens, esse spiritus corporeos dixerit?

Quòd gehennæ ignis corporeus esse credendus sit.

Caput LXXXIX.

*Ex dialo
go Greg.* **G**ehennæ ignem esse corporeum an incorporeum fatēris? Petrus. Ignem gehennæ corporeum esse non ambigo, in quo corpora certum est cruciari.

De hoc quod scribitur Deum nemo vidit vnquam, & qualiter illud intelligēdum sit. Cap. XC.

*Grego. in
suis mora
lib^o dicit.* **D**eum nemo vidit vnquam. Rursumque cū testamenti veteris patres intueor, multos horum teste ipsa sacræ lectionis historia Deum vidisse cognosco. Vidit quippe Iacob dominum, & ait: Vidi dominum facie ad faciem, & salua facta est anima mea. Vidit Moses dominum: de quo scriptum est. Loquebatur dominus ad Moysen facie ad faciem, sicut loqui solet homo ad amicum suum. Vidit Iob dominum qui dicit: Auditū auris audiui te, nunc autem oculus meus videt te. Vidit Esaias dominum qui ait: Anno quo mortuus est rex Ozias, vidi dominum sedentem super solium excelsum, & eleuatum. Vidit Micheas dominum qui dicit: Vidi dominum sedentem super solium suum: & omnem exercitum cœli astantem ei à dextris, & à sinistris. Quid est ergo quod tot testamenti veteris patres Deum se vidisse testati sunt, & tamen de hac sapientia quæ Deus est dicitur: Abscondita est ab oculis omnium viuientium, & Ioannes ait, Deum nemo vidit vnquam: Nisi hoc quod patenter datur intelligi, quia quādiu hic mortaliter viuatur, videri per quasdam imagines Deus potest, sed per ipsam naturæ suæ speciem non potest: vt animā gratia spiritus afflata, per figurat quasdam Deum videat, sed ad ipsam vim eius essentis non pertingat? Hinc est enim quòd Iacob qui Deum se vidisse testatur: hic non nisi angelum vidit. Hinc est quòd Moyses qui cum Deo facie ad faciem loquitur, sicut loqui solet homo ad amicum suum, inter ipsa verba suæ locutionis dicit: Si inueni gratiam in cōspectu tuo, ostēde mihi temetipsum

manifestè, vt videam te. Certè enim si Deus non erat, cum quo loquebatur: ostende mihi Deum diceret, & nõ ostende teipsum. Si autem Deus erat, cum quo loquebatur facie ad faciem: cur repetebat videre quem videbat? Sed ex hac eius petitione colligitur: quia eum sciebat per incircumscriptæ naturæ suæ claritatem cernere, quem iam cœperat per quasdam imagines videre, & sic superna essentia mentis eius oculis adesset, quatenus ei ad æternitatis visionem nulla imago creata temporaliter interesset. Et viderunt ergo patres testamenti veteris dominum, & tamen iuxta Ioannis vocem: Deum nemo vidit vnquam: & iuxta beati Iob sententiam, sapientia quæ Deus est, abscondita est ab oculis omnium viuentium: quia in hac mortali carne consistentibus, & videri potuit per quasdam circumscriptas imagines, & videri non potest per incircumscriptum lumen æternitatis. Sin verò à quibusdam nõ potest in hac adhuc mortali carne consistentibus, sed tamen inæstimabili virtutè crescentibus quodam contemplationis acumine æterna Dei claritas videri potest.¹

De duplici pœna damnatorum. Cap. XCI.

DVplex damnatorum pœna est in gehenna. Quorum *Ex dictis*
 & mentem vrit tristitia, & corpus flamma: iuxta *Isidori,*
 consuetudinem, vt quod mente tractauerunt, quod perficeret
 corpore, simul & animo puniantur & corpore. Ignem ge-
 hennæ ad aliquid lumen habere, ad aliquid non habere.
 Hoc est habere lumen ad damnationem, vt videant impii
 vnde doleant, & non habere ad consolationem, ne videant
 vnde gaudeant. Apta sit comparatio camino trium puero-
 rum ad exemplum ignis gehennæ. Nam sicut ille ignis nõ
 arsit ad trium puerorum supplicium, & arsit ad cõburen-
 da ligamina vinculorum: ita ignis gehennæ, & lucebit mi-
 seris ad augmentum pœnarum, vt videant vnde doleant,
 & non lucebit ad consolationem, ne videant vnde gaudeant.
 Inter huius vitæ, & futuræ infœlicitatis miseriam, multa
 discretio est. Illic enim & miseria est propter cruciationem
 dolorum, & tenebræ propter lucis auersionem. Quorum
 vnũ in hac vita, id est, miseria est, aliud non est. In inferno
 autem vtrunque.